

2-02-865/22

Zenica, 07.03.2022

PRIMLJENO 07 -03- 2022			
Organizaciona jedinica	Klasifikaciona oznaka	Redni broj	Broj priloga
02	45	4786	

1. p.d. "Prevoz-Putnika", doo Zavidovići
2. p.d. "Babić-Bisstours" doo Zenica
3. p.d. "Bosmenki-Trans" doo Zenica

GRAD ZENICA

GRADSKOM VIJEĆU PUTEM GRADONAČELNIKA

TRG BIH br. 6 72000 ZENICA

**PREDMET : Prijedlog za donošenje odluke o povećanju cijena prevoza u javnom gradskom prevozu**

Poštovani,

Neposredno vam je poznato da je, počev od 10.01.2020. godine ovom privrednom Društvu od strane Grada Zenica povjereno održavanje redovnih linija javnog gradskog prevoza na užem području Grada Zenica, a koje je do tada održavalo JP „Zenicatrans-Prevoz putnika“.

Mi smo poduzeli sve neophodne radnje, u tehničkom i kadrovskom smislu, da se javni gradski prevoz koji nam je povjeren organizuje u najboljem interesu korisnika, građana Zenice.

U momentu preuzimanja ove obaveze cijene dizel goriva koje pokreće naše autobuse bile su znatno niže, ali je već početkom marta 2020. godine uvedena epidemiološka mjera zabrane obavljanja javnog gradskog prevoza i time smo ostali bez bilo kakvog prihoda iz ove djelatnosti.

Ujedno, nama su ostale fiksne obaveze prema radnicima i druge obaveze koje smo izmirivali iz vlastitih rezervi.

Uslijedila je izmjena epidemioloških mjera pa je javni gradski prevoz ponovo odobren, ali je broj putnika ograničen na 50% sjedećih mjesta u autobusu.

Mi smo redovno održavali registrovane linije, gotovo bez putnika, i ostvarivali minimalne prihode u poslovanju. Poznato vam je da je na teritoriji Grada Zenica široko rasprostranjena pojava nelegalnog prevoza putnika ( tzv. taksiranje „na crno“) te da su rezultati nastojanja da se ova pojava sankcioniše i spriječi, ostali krajnje skromni. Suprotstavljanje ovoj pojavi je samo povremeno.

Pored svih ovih poteškoća koje ozbiljno ugrožavaju naše poslovanje, mi smo suočeni sa dramatičnim povećanjem cijena rezervnih dijelova neophodnih za održavanje ispravnosti naših vozila, a naročito se to odnosi na autobuske gume, vjetrobranska stakla, akumulatore, ulja i maziva i sl.

U cijelom periodu obavljanja ove javne usluge suočeni smo sa kontinuiranim rastom cijene goriva, koja na dan pisanja ovog podneska iznosi **2,96KM/l**, što nas dovodi u situaciju da nemamo bilo kakve izgleda za normalno poslovanje, čak i kada se odrekemo bilo kakve zarade.

Pri ovim okolnostima i sa važećom cijenom prevoza od **1,00 KM** mi nismo u mogućnosti čak ni da namirimo minimalne, nužne troškove pružanja navedene usluge.

Iz trenutno poznatih razloga i mi opravdano očekujemo da će se uslovi poslovanja dodatno pogoršavati.

Iz navedenih razloga ovim putem predlažemo i molimo Vijeća Grada Zenica da odobri da se cijena prevoza u javnom gradskom prevozu poveća najmanje na iznos od **1,60 KM**, a ukoliko to nije moguće da se pokuša ostvariti mogućnost subvencije od strane Grada Zenica.

Posebno naglašavamo da su vozači na gradskom prevozu u većini bivši zaposlenici JP „Zenicatrans-Prevoz putnika“.

S poštovanjem,

  
p.d. Prevoz Putnika „doo Zavidovići

  
p.d. „Bosmenki-Trans“ doo Zenica

  
p.d. „Babić-Bisstours“ doo Zenica